

جریدہ علیہ

مشختہ جلید اسلامیک جریڈہ رسمہ سید

ذی القعدہ سنہ ۱۳۴۰

عدد ۷۷،۷۶

شمذیلک آیدہ بر نشر اولنور

برنجی سنہ

فتاویٰ شریفہ

صلات

زید امامک اقتدائی منافی سوہ حالی اولغلہ جماعتی اقتدادن استکراہلرینی حاکمہ اعلامہ
ایتدکلرنده حاکم زیدی عزل ایدوب یرینه بر متدین کمنسہنی امام نصب ایتمکه قادر
اولورمی الجواب اولور .

نکاح

زیدک زوجہسی ہنددن متولد اوغلی عمرو زیدک زوجہ آخریسی زینبک زوج
آخردن متولدہ قزی خدیجہی تزوج ایتمک جائز اولورمی الجواب اولور .

زید زوجہسی ہندک زوج اخردن اولان قزینک قزی زینبی تزوج ایتمک جائز
اولورمی الجواب اولماز .

رضاع

ہند زیدی مدت رضاعده ارضاع ایلسہ زید ہندک قزینک قزی زینبی تزوج ایتمک
جائز اولورمی الجواب اولماز .

طلاق

زید زوجه‌سی هند مسلمیه بره دین وایمانی فلان ایتدیکم دیوجماع لفظیله شتم ایلسه
هند زیددن مبانه اولورمی الجواب اولور .

* *

نفقه

هند زوجی زید ایله مهری وعدتی حیض ایله منقضیه اولمق اعتقادیله نفقه عدتی
اوزرینه خلع اولدقدن صکره هندك زیددن حملی ظاهر اولسه هند وضع حمل ایدنجه دك
زیددن نفقه آلمغه قادره اولورمی الجواب اولور .

* *

ایمان

زید والله فلان فعلی ایشلمیهیم دیوب یمین ایتدنصکره اول فعلی ایشلسه زیده کفارت
یمین لازم اولورمی الجواب اولور .

* *

الفاظ کفردن

زید عمرو ایله بر خصوصه متعلقه دعواسی اولمغله عمروی شرعه دعوت ایتدکده
عمرو بنم شرعله ایشم یوقدر بن ایشمی قانون ایله کورورم دیسه عمروه تجدید ایمان
وونکاح لازم اولورمی الجواب اولور .

* *

هبه

هند ملک منزلی اولنجهیه قدر کندوی بسلامک اوزره زیده هبه وتسلیم ایدوب زید
دخی هندی بسلرکن هند فوت اولسه ورثه‌سی هبه‌ی طوتماغه قادر اولورلرمی الجواب
اولمازلر .

* *

شهادت

زیدك مداهسنه لابوین عمی اوغلی عمروك شهادتی مقبوله اولورمی الجواب اولور .

* *

وصیت

زید مرض موتنده جمله مالی وارثی اولیان فقرایه وصیت ایتد کدنصره زید فوت اولسه ورثه سی ئامدن زیاده ده طو تمامغه قادر اولورلرمی الجواب اولورلر .

کاتبه الفقیر طرسوسی زاده
محمد نوری مدنی
عفی عنهما

اجوبه شرعیه

امینه مهرلی ۱ محرم ۳۴۰ تاریخنده فتواخانهیه بالورود: دیار آخرده وفات ایدن بر کیمسه نك دیار مذ کورده بولنان صغیر و صغیره اولادینه زوجیه سی هندك عن الغیاب وصیه نصب اولنوب اولنه میه جغنه دائر واقع اولان استفتایه جوابدر .
§ مآلنه نظر احاده ده صلاحیتدار اولان قاضی مناسب کوره جکی کیمسه یی صغاره وصی تعیین ایدر
جمادی الآخر ۳۴۰

* *

احمد مختار امضالی ۴ جمادی الآخر ۳۴۰ تاریخنده فتواخانهیه بالورود: زید وقفه متفقاً یاخود اقل اکثره تابع اولوق شرطیه ایهای تولیت ایتك اوزره متولی نصب وتعیین ایلدیکی عمرو و بکر و محمد واحمددن یالکیز عمرو علیهنده وقف مذ کوره اضافتله عبدالله طرفندن اقامه اولنان دعوی ايله توجیه خصومت اولنوب اولنه میه جغنه دائر واقع اولان استفتایه جوابدر .

§ مآلنه نظراً وقف مذ کورک متولیلرندن یالکیز برینك مواجهه سنده بر نهج شرعی دعوی واقامت بینه ایدیلورسه وقف علیهنده حکم صحیحدر . ۲۷ جمادی الآخر ۳۴۰

* *

شکری امضالی ۱۳ جمادی الآخر ۳۴۰ تاریخنده فتواخانهیه بالورود: قاسم پاشاده سنان پاشا جامع شریفنده طریقت قادریه اصولی اوزره آیین اجرایی جائز اولوب اولمدیغنه دائر واقع اولان استفتایه جوابدر .